

Wito wa ushiriki: Mkutano wa ACCES 2020

Mkutano wa Music In Africa wenye lengo la kudumisha ushirikiano, kubadilishana uzoefu na kutumbuiza yaani (ACCES) unapenda kuwaalika wanamuziki wa Kiafrika kutuma maombi yao kwaajili ya kushiriki katika fursa ya kutumbuiza katika mkutano huo wa ACCES 2020, utakaofanyika jijini Dar es salaam, Tanzania kuanzia tarehe 26 hadi 28 Novemba mwaka huu.

Mkutano huo wa ACCES, ambao umeandaliwa na Music In Africa Foundation (MIAF), hufanyika kila mwaka kwenye miji mbalimbali ndani ya Afrika, na kutoa fursa kwa wanamuziki kukuza na kujenge uwezo wao na kutumbuiza mbele ya hadhira iliyosheheni wageni wa kitaifa na kimataifa, ikiwemo waandaaji wa matamasha, mapromota, mawakala wa muziki, lebo za kurekodi muziki na hadhira yenye ushawishi mkubwa.

Mkutano huo wa ACCES uliozinduliwa huko Dakar mwaka 2017 na kufuatiwa na mikutano mingine iliyofanyika jijini Nairobi, Kenya, mwaka 2018 na Accra, Ghana, mwaka 2019, unahusisha warsha mbalimbali za mafunzo, mazungumzo ya kitasnia, maelezo muhimu kupitia risala, maonesho ya moja kwa moja (mubashara), vikao vya kukuza umoja na mwasiliano, kurekodi nyimbo kwa pamoja na matembezi mbalimbali kwenye vituo muhimu vya tasnia ya muziki kwenye mji unapofanyika mkutano huo.

Mwisho wa kutuma maombi ni tarehe **20/05/2020**.

Sifa za Mwombaji/Waombaji

Mkutano wa ACCES unatoa nafasi za kushiriki kwa wanamuziki wanaoibuka wenye uwezo wa kutumbuiza moja kwa moja katika majukwaa na wenye utayari wa kutumbuiza katika majukwaa ya kimataifa. ACCES inahitaji washiriki walio tayari kunufaika kupitia mkutano huo kwa kukuza kazi zao kufikia hadhi za kimataifa.

Nafasi za upendeleo zitatolewa zaidi kwa bendi na wanamuziki wa Kitanzania kama washiriki wenyeji ili kuonesha ubora wa muziki wa Kitanzania.

- Wito huu unawalenga zaidi wanamuziki wa Kiafrika kama vile (wasanii wa solo, bendi, MaDJ n.k.)
- Aina zote za muziki zinaweza kushiriki.
- Umri kwa mshiriki ni kuanzia miaka 18 na kuendelea
- Waombaji wawe tayari kutumbuiza ndani na nje ya nchi
- Wanamuziki wanaohitajika ni wale wenye kuimba moja kwa moja (live) na si wale wanaotumia CD kuimba.
- Uimbaji unaolenga mambo ya vyama vya kisiasa pamoja na Imani za kidini hautaruhusiwa
- Waombaji wanapaswa kuwa tayari wakati wowote watakapohitajika na ACCES kuanzia tarehe 26 hadi 28 Novemba 2020.

- Waombaji wanaweza kutuma maombi yao wenyewe au kutuma kwa njia ya uwakilishi kupitia mameneja, wachapishaji, lebo za muziki, mawakala na mapromota wa muziki.

Uwezeshaji kutoka ACCES

- ACCES itagharamia usafiri kwa washiriki walio ndani ya Dar es Salaam.
- ACCES itagharamia huduma za malazi kwa washiriki kutoka nje ya Dar es salaam
- Washiriki kutoka nje ya Dar es salaam watapewa pesa za kujikimu.
- Gharama za VISA zitarudishwa kulingana na stakabadhi ya malipo ya visa itakayowasilishwa.
- Washiriki watapewa nafasi ya kuingia na kushiriki kwenye shughuli zote za ACCES
- ACCES itatoa vifaa vyote vya muziki vitakavyohitajika wakati wa utumbuizaji
- Wanamuziki watatangazwa kwenye mitandao ya Music In Africa na ACCES kupitia majarida, taarifa za vyombo vya habari, tovuti na mitandao ya kijanii.
- ACCES itatoa mafunzo mbalimbali kwa wanamuziki juu ya nafasi ya vyombo vya habari kwenye kazi zao.
- ACCES itatoa nyenzo za kuwawezesha na kuwakutanisha washiriki na mashabiki na wadau wao katika mikutano ya kibiashara (B2B meetings).

MUHIMU: Washiriki wanaotoka nje ya Dar es Salaam watapaswa kujilipia gharama za usafiri wenyewe. Hata hivyo, Music In Africa Foundation itawasaidia washiriki hao kupata fedha kutoka mitandao na mashirika mengine kwaajili ya usafiri lakini haiwezi kuwahakikishia kuwa watafanikiwa katika maombi hayo moja kwa moja. Washiriki wanapaswa kujiandaa kujigharamia kabla ya kutuma maombi yao. ACCES inaweza kumgharamia usafiri meneja mmoja tu katika bendi kiasi sawa na watumbuizaji wengine wa bendi.

Jinsi ya kutuma maombi

Kumbuka kuwa utambulisho (wasifu) wako ni ule uliokwisha utengeneza kwenye tovuti ya Music In Africa. Na huu ni mfano wake: www.musicinafrica.net/node/21539

Wasifu wako unapaswa kuwa na sifa zifuatazo:

1. Wasifu wako uwe sahihi
2. Uwe na nyimbo tatu bora ulizowahi kutoa
3. Uwe video inayoonesha ukitumbuiza jukwaani
4. Uwe na picha walau mbili zenye ubora wa hali ya juu
5. Uweke anuani zako za mitandao ya kijamii

Njia za kufuata katika kutuma maombi

- Soma kwa makini tangazo la wito wa ushiriki
- Endapo hujatengeneza wasifu wako katika tovuti ya Music In Africa sehemu ya Wanamuziki wa Afrika na Tasnia (Africa Artists and Industry) unapaswa kutengeneza kwa kutumia tovuti hii: <https://www.musicinafrica.net/user/register>.

- Unapaswa kuweka wasifu wako binafsi, idadi ya nyimbo ulizowahi kuimba, video ya kutumbuiza jukwaani pamoja na picha zako mbili zenye ubora wa hali ya juu katika ukurasa wako.

Kumbuka: Endapo ukurasa (wasifu) wako umeshatengenezwa nasi tayari, basi unapaswa kuuhakiki na kuongeza taarifa zako kwa ufasaha.

Maombi yaliyokamilika yanapaswa kutumwa kwa njia ya mtandao katika tovuti yetu hapo chini.

Kumbuka, maombi yatakayotumwa kwa njia ya barua pepe hayatashughulikiwa.

KUMBUKA: Hakutakuwa na nafasi ya kuhifadhi taarifa ili kuendelea kujaza au kufanya marekebisha baadae, hivyo unapaswa kuwa na taarifa zako na viambatanisho vyote muhimu kabla ya kuanza kujaza fomu ya maombi na kuituma.

Mchakato wa kuchagua washiriki

Mwisho wa kupokea maombi ni **20/05/2020**

- Waombaji waliotuma maombi yao watahakikiwa na kamati ya maandalizi ya ACCES
- Waombaji waliopitishwa watapewa taarifa 01/07/2020
- Waombaji ambao hawakufanikiwa hawatotaarifiwa
- Maombi yatakayoshughulikiwa ni yale yaliyotumwa kwa njia ya mtandao tu
- Maombi yalichelewa hayatazingatiwa

Fomu za maombi

- Lugha zinazoweza kutumika katika kutuma maombi ni Kiingereza na Kifaransa Jaza fomu ya maombi kwa KIINGEREZA hapa: **www.bit.ly/2zf3Gtc**
- Jaza fomu ya maombi kwa KIFARANSA hapa: **www.bit.ly/2WeWo1D**

Kwa maelezo na taarifa zaidi juu ya namna ya kushiriki, wasiliana nasi kupitia barua pepe **claire@musicinafrica.net**

Ungana nasi katika kurasa zetu za Twitter, Instagram, Facebook au jisajili kwenye jarida letu la kila mwezi.

HABARI YA COVID-19

Kufuatia tangazo letu la ACCES 2020, na kwa kuzingatia mlipuko wa ugonjwa wa coronavirus (COVID-19), tunapenda kuwahakikishia jamii yetu kuwa tunafuatilia kwa karibu na kukagua maendeleo kwa nia ya kufanya uamuzi unaozingatia taarifa sahihi. ACCES bado imepangwa 26-28 Novemba 2020. Kipaumbele cha kwanza cha Music In Africa Foundation ni usalama na ulinzi wa jamii yetu pana ya muziki na kila mtu anayehusika kutangaza tukio hili muhimu.

Tunatumai kuwa "onesho litaendelea" na tunakuhimiza kuendelea kujisajili kwaajili ya mkutano na kutuma maombi ya kushiriki kwenye maonesho. Tutaendelea kuwasiliana kwa uwazi na wadau wote, na washirika wa tukio letu kadri hali inavyoendelea.

Tafadhali, endelea kufuatilia mitandao yetu kupata taarifa

Zaidi: www.musicinafrica.net/aces